



## Notat

Dato: 03.11.2018  
Arkivsak: 2016/2011-36  
Saksbehandlar: ireolse

---

**Til:** Vidar Kloster

---

**Frå:** Eigedomsavdelinga

---

### Rekneskapsavslutting prosjekt nr. 06023 - Kvinnherad vgs - tilbygg

<b>Rekneskap: 135 788 789,73</b>	<b>Samla kostnadsramme ved byggestart:</b>	<b>134 000 000,-</b>
	<b>Sluttbudsjett:</b>	<b>136 200 000,-</b>

#### Oversyn løyvingar:

Årsbudsjett 2007	løyving kr 10 000 000,-
Årsbudsjett 2008	vidareført tidlegare løyving på kr 10 000 000,-
Årsbudsjett 2009	løyving kr 65 000 000,-
Årsbudsjett 2010	løyving kr 59 000 000,-
Driftsmidler 2010	kr 2 000 000,-
Koro midler: 2014	kr. 200 000,-

#### Utdrag frå politiske saker

##### Årsbudsjett 2007

Tilbygg ved Kvinnherad vidaregåande skule har eit kostnadsoverslag på 80 mill. kr. Med ferdiggjering i 2009. For dette prosjektet er løyvingane fordelte med 10 mill. kr. I 2007, 44 mill. kr. I 2008 og 26. mill. kr. I 2009.

##### FT 38/07 Kvinnherad vidaregåande skule - Romprogram

###### Utdrag frå saka:

I økonomiplan for perioden 2007-2010 er det avsett 80 mill. kroner til utbygging ved Kvinnherad vidaregåande skule.

På dette grunnlag er det utarbeidd forslag til romprogram for utbygging / ombygging av skulen. Romprogrammet vert no fremja med tilråding at det skal leggjast til grunn for planlegging av nybygg / ombygging av skulen.

Endeleg kostnad vil ein først ha oversikt over etter tilbodsinnhenting.

**Årsbudsjett 2008**

Tilbygg ved Kvinnherad vidaregåande skule har eit førebels kostnadsoverslag på 80 mill. kr. Arbeidet med prosjektet så langt tyder på at framdrifta kan verta Seinka i høve til opphavlege planar. Også med bakgrunn i dette legg fylkesrådmannen no til grun ferdiggjering i 2010. Til prosjektet er tidlegare løyvd 10 mill. kr., og fylkesrådmannen fører opp 40 mill. kr. I 2009 og 30 mill. kr. I 2010.

**Fylkestinget**

Fylkestinget vedtok at budsjetterte midlar for kvinnherad vidaregåande skule i 2007 vert flytta til 2008 slik at det er mogleg med oppstart i 2008.

**FT 41/08 Kvinnherad vidaregåande skule - Forprosjekt****Utdrag frå saka:**

I økonomiplanen for perioden 2008-2011 er det lagt til grunn ein kostnad på 80 mill. kroner til utbygging ved Kvinnherad vidaregåande skule.

I saksframlegget til romprogrammet vart det sagt at ved seinare framlegg av forprosjektet vil prosjektkostnadane basere seg på meir detaljerte planar. Vidare vart det sagt at endeleg kostnad vil ein først ha full oversikt over etter tilbodsinnhenting.

På grunn av den store auka i byggekostnadane vi har hatt dei siste åra har ein valgt å innhenta tilbod på totalentreprise før ein ligg fram forprosjektet til godkjenning i Fylkestinget.

Kunngjøring av konkurransen vart lagt ut i Doffin i mars 2008 og 4 firma meldte sin interesse. Tilbodsfrist var satt til 05.05.08, men denne vart seinare forlenga til 12.08.08.

2 firma leverte inn tilbod og etter opning av tilboda vart den totale prosjektkostnaden fastsett til 134 mill kroner. Prisauken i høve til vedtatt kostnadsramme skuldast auke i byggekostnadane.

Utbygginga skal vera ferdig til skuleåret 2010–2011.

**Årsbudsjett 2009**

Tilbygg ved Kvinnherad vidaregåande skule hadde i siste økonomiplan eit forebels kostnadsoverslag på 80. mill. kr. Dette kostnadsoverslaget er auka til 135 mill. kr.

Også for dette prosjektet vert det rekna med ferdiggjering i 2010. tidlegare er det løyvd 10 mill. kr, og fylkesrådmannen fører opp 65 mill. kr i 2009 og 60 mill. kr i 2010.

**Årsbudsjett 2010**

Tilbygget ved Kvinnherad Vidaregåane skule har ei kostnadsramme på 134 mill. kr. Også for dette prosjektet vert det rekna med ferdiggjering i 2010. Tidlegare er det løyvd 75 mill. kr fylkesrådmannen fører opp sluttløyving på 59 mill. kr.

**Kommentar:**

Differansen på 2,2 million kroner frå kostnadsramme til endeleg budsjett skyldast at det i sluttfasen vart konkludert med at ein skulle kjøpe inn undervisningsutstyr via prosjektet samt at det kom tilskot frå Koro til å dekkje kostnadar knytt til kunstkonsulent. Begge deler var kostnadar det i utgangspunktet ikkje var tatt høgde for i byggebudsjettet. Det var difor naturleg at ekstra tilskot / overføringar til å dekke slike kostnadar vart nytta til å auke prosjektbudsjettet.

Tilbygget vart overtatt og tatt i bruk til skulestart hausten 2010, men alt ved overtaking var ein klar over at der var utfordringar og reklamasjonar knytt til tekniske anlegg. Undervegs i garantiperioden fekk ein og ein lekkasje som vart krevd utbetra som ein del av reklamasjonsarbeidet. Reklamasjonsfasen har difor blitt svært lang og dei siste arbeida vart fullført våren 2016.

Samla har prosjektet blitt gjennomført med ei lita innsparing i forhold til revidert kostnadsramme. Ein rår til at prosjektet blir avslutta.

Jostein Fjærestad  
eigedomdirektør

Bjarte Molvik  
økonomiansvarleg

Vedlegg: Statusrapport